

後漢書補注
一一







後漢書補注

(一)

惠棟撰

續漢志補注卷第二十三

郡國二

陳留 東郡 東平 任城 泰山 濟北 山陽 濟陰

右兗州 李巡爾雅注曰濟河開其氣專質厥性信謹故曰兗兗信也

東海 琅邪 彭城 廣陵 下邳

右徐州 李巡爾雅注曰淮海開其氣寬徐稟性安徐故曰徐徐舒也

陳留

陳留風俗傳曰縣有餅鄉亭裘氏鄉

注陳留志

漢議郎圜稱字幼舉撰陳留風俗傳二卷又晉刻令江敞亦撰陳留志此所引蓋幼舉書也

浚儀

陳留風俗傳曰縣北有浚水像而儀之故曰浚儀

本大梁

竹書紀年曰梁惠成王九年四月甲寅徙都大梁

尉氏。

陳留風俗傳曰。尉氏。鄭國之東鄙。弊獄官名也。鄭大夫尉氏之邑。

注。有陵樹鄉。

故平陵縣也。

雍邱。

陳留風俗傳曰。縣有五陵之名。故以氏縣。

襄邑。

杜預曰。縣東南有首鄉。春秋之首止也。陳留風俗傳曰。襄邑。宋地。本承匡襄陵鄉也。宋襄公所葬。故曰襄陵。秦始皇以承匡卑濕。故徙縣于襄陵。謂之襄邑。縣西三十里有承匡城。

外黃。

陳留風俗傳曰。縣有大齊亭。

曲棘里。

陳留風俗傳曰。外黃南有渠水。于春秋爲宋之曲棘里。故宋之別都矣。

東昏。

陳留風俗傳作東緡。司馬貞曰。屬陳留者音昏。屬山陽者音旻。顧炎武案。隸釋。酸棗令劉熊碑陰。有故

守東昏長蘇勝。仍作昏。作緡者非。棟案。昏與緡。古字通。故或作緡。或作昏。漢王誨碑。有使河堤謁者山陽東昏司馬昏。則知漢時緡字亦作昏也。

注。故戶牖鄉。

竹書紀年曰。顯王十一年。鄭釐侯使許息來致地。平邱戶牖首垣諸邑。陳留風俗傳曰。故陽武戶牖鄉。濟陽。

杜預曰。縣東南有戎城。

平邱。

陳留風俗傳曰。衛靈公邑。

注。盟黃池。杜預曰。在縣南。

案。杜注云。在封邱縣南。脫封邱二字。

桐牢亭。

樂史曰。在縣北二里。

酸棗。

淮南子曰。伐棘棗而爲矜。高誘曰。棘棗。酸棗也。故陳留風俗傳曰。酸棗以棘名邦。漢官儀曰。舊河堤謁者居之。

注。烏巢。

晉太康地記曰。烏巢澤在縣東南。

注。城棗。

棗。力計反。又徒妹反。

長垣。

陳留風俗傳曰。縣有防垣。故縣氏之。有羅亭。故長羅縣也。又西北有訾樓。垣音袁。

蒲城。

一作蒲鄉。

注。蘧伯玉墓。

陳留風俗傳曰。縣有蘧伯玉鄉。一名新鄉。

已吾。

陳留風俗傳曰。縣故宋也。雜以陳楚之地。故梁國。寧陵縣之徙種龍鄉。以成哀之世。戶至八九千。冠帶之徒。求置縣矣。永元十一年。陳王削地。以大棘鄉直陽鄉自隱。隸之。命以嘉名曰已吾。猶有陳楚之俗焉。

考城故菑。注。陳留志曰古戴國。

前志曰。留故戴國。孔穎達曰。古者留戴聲相近。故鄭玄詩箋。讀傲戴爲熾留。陳留風俗傳曰。有斜亭。圍。

陳留風俗傳曰。舊陳地。苦楚之難。修干戈于境。以虞其患。故曰圍。高陽亭。

陳留風俗傳曰。有雍邱西南。又曰。酈食其。高陽鄉人。史記。沛公至高陽傳舍。徐廣曰。今在圍縣。扶溝。

陳留風俗傳曰。小扶亭有洧水之溝。因以名縣。有帛鄉帛亭。

濮陽。

世本曰。衛成公徙濮陽。宋忠曰。帝邱地名。濮音卜。

古昆吾國。

世本曰。陸終娶鬼方氏妹曰女嬪。生子六人。其一曰樊。是爲昆吾。昆吾者衛是。宋忠曰。昆吾國已姓所出。

清丘。

京相璠曰。在縣東南三十里。魏都尉治。

鉏城。

京相璠曰。在西南十五里。

燕本南燕國。

世本曰。杜預。杜預釋例譜。南燕伯爵。不知所出。

胙城。

杜預曰。在縣西南。

平陽亭。

杜預曰。在縣東北。

桃城。

戰國策曰。拔燕酸棗。虛桃人。司馬貞曰。在縣東三十里。

章鄉。

史記注。作圍鄉。圍章古字通。晉志曰。有瓠子堤。

頓丘。

京相璠曰。今衛國縣西北三十里。有五鹿地。酈元曰。今屬頓邱縣。

注。白虎通曰。帝嚳冢在城南臺陰野中。

諸本脫南字中字。語見皇覽。云白虎通者。誤也。

東阿。

水經曰。有漁山。酈元曰。卽吾山也。
清亭。

京相璠曰。縣東北四十里。

濕水。

前志及水經皆作濕。說文作濕。從水。濕聲。詳見平原郡下。
范。

郭緣生述征記曰。倉亭津在縣界。去東阿六十里。

臨邑有沛廟。

前志作沛。水經注作沛。云沛瀆之廟也。棟案。風俗通曰。濟出常山。房子贊皇山。東入沮。廟在東郡臨邑縣。則是濟瀆之廟也。尙書古文。濟作沛。當从沛。

有聶戚。

京相璠曰。聊城縣東北三十里。有故攝城。當作聶城。

樂平侯國故清。章帝更名。

酈元曰。建初中更名也。

莘亭。

京相璠曰。縣北一十里有故莘亭。

岡成城。

水經注引作岡城亭。

衛公國本觀。

前志作畔觀。竹書紀年曰。梁惠成二年。齊田壽帥師伐我。圍觀。觀降。

注。戚。

釋例土地名曰。戚。衛縣西戚城。左枯河東。

竿城。

酈元曰。在河北。

注。前書故發干城。

城一作縣。案兩志別有發干縣。未詳。

穀城。

沈約曰。前漢無。魏土地記曰。縣有穀城山。山出文石。

注。周首亭。

京相璠曰。今濟北所治盧子城。故齊周首邑也。

嶗。戶圭反。一音以轉反。晉志作烏下聚。

章城。

酈元曰。在無鹽城東北五十里。

東平陸。

西河有平陸。故加東。

壽張故屬東郡。

永平二年改屬。

注。狗城。

前志作胸城。酈元以爲春秋之須胸也。

注。闕鄉城中。

諸本脫鄉字。

須昌故屬東郡。

永元二年改屬。

注。杜預曰。須句古國在西北。

酈元曰。常在壽張。杜說非也。京相璠曰。須胸一國二城兩名。蓋遷都須昌。胸是其本。

古中都。

酈元曰。卽夫子所宰之邑。

任城本任國。

春秋傳曰。任宿須句。杜預曰。任今任城縣。司馬貞曰。春秋經桓五年。天王使仍叔之子來聘。穀梁經傳。並作任叔。仍任聲相近。則東平任古仍國也。

亢父。

劉伯莊包愷並音苦浪反。司馬貞曰。舊音剛。父音甫。

注。邾亭。

音詩。

注。城邾瑕。

音遐。

注。邾瑕城。

今杜注作邾婁城。

梁甫。

一作父服虔曰云云山在縣東。

享禪山。

前志作亭亭。晉灼曰。社首山在縣南十二里。周成王所禪也。

荏。

前志作荏。此與濟北之荏平皆當作荏也。

萊蕪。

應劭十三州記曰。魯之萊柞邑。竇苹曰。萊人流播。邑落荒蕪。故名。

原山。

酈元曰。在縣西南六十許里。

潘水出。

潘水無攷。或溜水之誤。前志作笛。

蓋沂水出。

杜預釋例曰。沂水出縣之艾山。南經琅邪東海。至下邳入泗。蓋音古害反。說文曰。洙水出臨樂山。北入

泗。

顯臾城。

杜預曰。在縣東北。

南城。

前志作成。

注。司馬牛葬邱輿。

諸本脫牛字。

費。

陸德明音祕。

台亭。

台。勅才反。又音臺。一音翼之反。

牟故國。

桓十四年。牟人來朝。水經注曰。汶水出縣西南阜下。俗謂之胡盧堆。淮南子。汶出弗其。高誘曰。山名也。

或斯阜也。俗謂是水爲牟汶。

注。臣昭案。濟北前漢之舊國。

前漢除濟北國爲北安縣。屬泰山。故志無濟北國。本傳亦云。分太山郡爲國。

盧注。齊鄭尋盧之盟。

晉志曰。縣西有石門。

平陰城。

京相璠曰。在縣西南十里。

防門。

京相璠曰。去平陰三里。

光里。

京相璠曰。在防門北。齊人言廣音與光同。卽春秋廣里也。

景茲山。

左傳作京茲。杜預曰。在平陰城東南。

清亭。

杜預曰。在縣東。

蛇邱。

蛇音以支反。又如字。

遂鄉。

京相璠曰在蛇邱東北十里。

下謹亭。

酈元曰今俗謂夏暉城謹呼端反。

成本國。

案前志泰山有式縣卽成國傳寫誤也。

注東平剛父縣。

羅苹曰郡有剛縣晉爲東平國之剛平無剛父。

在平。

前志作在音士說文曰在從草在聲濟北縣也孫愐曰俗作在。

剛。

史記穰侯傳曰伐齊取剛壽徐廣曰卽濟北剛縣也京相璠曰縣西四十里有闌亭闌尺善反甲父亭。

昭十六年徐人賂齊以甲父之鼎。

注縣西有西防城。

諸本脫下西字案本傳劉永將佼所彊據。

東緡。

十三州志曰。鄒衍曰。余登東緡以望宋都。緡音旻。司馬貞曰。小顏音昏。非也。杜預曰。在昌邑東南。陸氏音亡巾反。

鉅野。

尚書大傳曰。鉅野。蒞鄭玄曰。鉅大也。野魚藪。今屬山陽。

注。縣西有咸亭。

西一作南。

注。郎亭。

郎古閬反。

高平。

酈元曰。有高平山。縣取名焉。

故橐。

前志作橐。州郡志作橐。案東平王傳亦作橐。

茅鄉城。

京相璠曰。縣西三十里。

湖陸故湖。

前志作胡。

陵。章帝更名。

鄧展曰。元和元年改。

注。費亭城。魏武帝初所封。

何焯曰。案費亭仍曹騰故封。注誤引地道記。

南平陽。

竹書紀年曰。梁惠成王二十九年。齊田盼及宋人伐我東鄙。圍平陽。棟案。河東有平陽。故加南。

閭邱亭。

酈元曰。在漆鄉東北十里。閭力於反。

注。哀七年。囚邾子負瑕。

當注瑕邱下。

方與。

晉灼音房豫。

注。盟于唐。杜預曰。在西南。

今左傳注云在縣北。

魯侯觀魚臺。

酈元曰臺高二丈許在城北十里。

泥母亭。

杜預曰泥讀如甯。

注重館。

重直龍反。

瑕邱。

有檀鄉董次仲所據酈元曰春秋之負瑕也鄭玄皇甫謐並言衛地。

金鄉。

沈約曰前漢無。

注故冢今在。

司隸校尉魯峻冢也見水經注及隸釋。

防東。

前志無。

定陶。

徐廣作定陰。案劉向七略曰：古文或誤以典爲與，以陶爲陰。如此類多是也。王劭曰：有魏冉冢，本曹國。

杜預釋例：世族譜曰：曹姬姓。文王子叔振鐸之後也。武王封之陶邱，今濟陰定陶是也。

古陶堯所居。

說文曰：陶邱在濟陰，有堯城，堯嘗所居，故堯號陶唐氏。

注：陶邱亭是。

酈元曰：墨子以爲釜邱也。

冤句。

小顏音劬。

煮棗城。

前書樊噲傳：從攻項籍，屠煮棗。晉灼曰：地理志：今清河有煮棗城。功臣表有煮棗侯。小顏曰：既云攻項籍，屠煮棗，則其地當在大河之南，非清河之城縣，但未詳其處耳。姚寬案冤句有煮棗城，此正在大河之南也。

成陽。

有堯冢。帝王世紀曰：堯葬縣西北四十里，是爲穀林。高誘呂覽注曰：成易山下有穀林，堯所葬也。郭緣生述征記曰：城陽縣城南六里，堯母慶都墓。廟前一池，魚頸閒有印文，謂之印頰魚，非告祠者捕不得。有泗水。

酈元曰未詳。

鹿城鄉。

酈元曰：春秋之鹿上也。杜預以鹿上爲河陰原鹿縣，非也。

句陽。

句古侯反。

有垂亭。

京相璠曰：句陽縣小城陽東五里，有故垂亭。

鄆城。

說文曰：鄆，衛邑。從邑，聖聲。棟案：漢隸字源，鄆亦作甄。古字通也。春秋莊十四年，單伯會齊侯于鄆。杜預曰：今甄城。荀彧、袁紹傳皆作甄。注云：今濮州縣。音絹。孫愐曰：後漢獻帝兗州刺史治此。陸氏曰：或音眞。運城。

春秋傳：成十六年，公自沙隨還，待于鄆。京相璠曰：公羊傳作運字。故城在今縣東八十里。

成武故屬山陽。

酈元引郡國志曰。成武有楚邱亭。案注當脫楚邱亭三字。

郃城。

呂忱字林。郃音工竺反。

注。縣東有北郃城。

今本皆脫北字。十三州志云。俗謂之北郃。

注。有平和鄉。

今皇覽作平利。

臧。

包愷音如字。李登聲類音于竺反。

伊盧鄉。

史記作慮。韋昭曰。今盧中縣。

襄賁。

魯連子曰。陸子謂齊潛王曰。魯賁之衆。城甲舍于襄。賁音肥。

承。

應劭音證。

昌廬。

音廬。

合城。

案前志及水經注皆作合鄉。

注。澗水。

杜預曰。水出合鄉縣西南經魯國至湖陸縣入泗。徐邈音郭。字林音口郭口獲二反。

夾谷地。

服虔左傳解詁曰。夾谷。東海祝其縣地。二名。顧炎武曰。夾谷在留州縣西南三十里。非東海之祝其也。

贛。

音紺。陸氏音古弄反。如涓音耿弇反。

琅邪國。

前志郡。

開陽。

本傳建初六年。詔割卽邱廣平亭屬開陽。

琅邪。

說文曰。濰水出箕東山。東入海。徐州浸。

東莞。

音官。

鄆亭。

史記鄒誕生本作鄆。司馬貞云。當作鄆。字變耳。春秋傳文十三年。城諸及鄆。杜預曰。姑幕縣南有員亭。

鄆音運。員音云。

鄆鄉。

鄆蒲悲反。

公來山。

杜預曰。縣北有鄆鄉。西有公來山。號曰鄆來間。間如字。

東莞後爲郡。

郡諸本皆誤爲名。

西海。

何焯曰。疑海曲之譌。

莒本國。

世本曰。莒已姓。杜預釋例譜曰。莒嬴姓。少昊之後。周武王封茲與于莒。初都計。後徙莒。今城陽莒縣是也。

故屬城陽。

本傳有城陽景王祠。

崢嶸谷。

說文作崢嶸。徐鍇曰。俗作崢非。

陽都。

史記有陽都敬侯丁復。司馬貞以爲漢志闕者。蓋失攷耳。

牟臺。

春秋傳。宣九年。取根牟。杜預曰。根牟。東夷國也。縣東南有牟鄉。

臨沂故屬東海。

建初五年屬。

注。盟于艾。杜預曰。縣東南有艾山。

案杜氏注云。泰山牟縣東南有艾山。不云在臨沂。未詳。

祝邱。

闕駟曰。卽祝。魯之音字承讀變。

繪。

春秋傳。僖十四年。鄆子來朝。杜預曰。今鄆縣。陸氏曰。本或作繪。似綾反。

注。蕪。

其器反。

姑幕。

前志曰。或曰薄姑。幕音莫。

彭城國。注。章帝改。

章和二年改也。

祖水。

祖一作祖。京相璠曰。縣西北有祖水溝。去偃陽八十里。

呂。

春秋傳。襄元年。鄭侵宋。呂留。高誘曰。呂梁在彭城呂縣。大石在水中。禹決而通之。號曰呂梁發通也。

故屬沛國。

國字衍。前志爲沛郡也。

廣陵郡。

沈約曰。海陵縣。前漢屬臨淮。後漢屬廣陵。今廣陵十一城。無海陵縣。未詳。

東陽故屬臨淮。

晉灼曰。明帝分屬下邳。後分屬廣陵。

堂邑。

玉篇作鄧。音徒郎切。

海西。

案前志。東海無海西。有海曲縣。當作曲也。

徐。

本傳。縣北界有蒲陽城。廣二十里。徑百里。

萑林。

春秋傳作婁。音力侯反。

僮。

沈約曰。故屬臨淮。

雖陵。

沈約曰。故屬臨淮。

盱台。

台一作胎。張華曰。武涉墓在城東十五里。鄭德音昫怡。

取慮。

取音秋。慮音力居反。如淳曰。取音陬。訾之陬。慮音邾。婁之婁。小顏曰。取音趣。慮音慮。

注。蒲姑陂。

一作蒲如。

東城。

前志屬九江。建初四年。改屬下邳。

司吾。

酈元曰。春秋左傳。楚執鍾吾子。以爲司吾縣。

郡國四

濟南 平原 樂安 北海 東萊 齊國

右青州清康地記曰：東方少陽其色青其氣太歲之首事之始故以青爲名焉。

南陽 南郡 江夏 零陵 桂陽 武陵 長沙

右荊州李巡曰：漢南其氣燥剛乘性強梁故曰荊州強也。

九江 丹陽 廬江 會稽 吳郡 豫章

右揚州李巡曰：江南其氣燥勁厥性輕揚太康地記曰：以揚州漸太陽位天氣奮揚履正舍文故取名焉。

譚城。

杜預曰在縣西南。

於陵。

尙書大傳曰散宜生之於陵氏高誘淮南子注曰陳仲子孟子弟子居於陵。

臺。

酈元曰芹溝水出焉棟案前志臺縣在鄒平下或有作平臺縣者非也。

梁鄒。

京相璠曰有袁水。

東朝陽。

地理風俗記曰南陽有朝陽故加東蘇林曰有獠亭故縣也。

注。縣西有崔城。

釋例作崔氏城。

歷城。

杜預曰。灤水在縣西北入濟。

高唐濕水出。

說文引桑欽曰。濕水出平原。高唐前志及水經注。引桑欽說。皆作灤。棟案。殺阬碑。暴字從累。蓋省文也。許慎從水暴聲。李陽冰音它合反。

應劭曰。縣東南六十里有枋鄉城。故縣也。

注。取犂及轅。

杜預曰。犂一名隰。卽隰陰縣。

注。轅城。

案地理志。瑗縣屬平原。水經作援。酈元引杜預釋地曰。轅卽援也。濟南祝阿縣有援城。

注。信公。

信音嘖。

濕陰。

地理風俗記曰。平原濕陰縣。今巨澤亭。前志亦作濕陰。說見上。杜預注左傳。又作隰也。宗俱碑陰亦作濕陰。濟南安王傳作隰陰。

厭次。本富平。明帝更名。

十三州志曰。明帝永平五年改。棟案。史記有厭次侯元項。晉書地理記屬平原。太康地記屬樂陵。鄆元曰。厭次舊名。明帝蓋復古耳。

臨濟。本狄。安帝更名。

東觀記曰。永初二年改。晉志曰。有蚩尤祠。

千乘。

伏琛齊地記曰。縣在齊城西北一百五十里。隔會水。地理風俗記曰。縣西北五十里有大河。河北有溼沃城。故縣也。

高苑。

前志作宛。

博昌。

地理風俗記曰。縣東北八十里有琅瑰鄉。故縣也。闕駟曰。縣處勢平。故曰博昌。

薄姑城。

尙書大傳作蒲姑。陸澄地理書曰。呂尙封于齊郡薄姑。薄姑故城。在臨淄縣西北五十里。

注。古蒲姑。

諸本皆譌作薄姑。或脫蒲字。

貝中聚。

京相璠曰。縣南近繩水。有地名貝邱。在齊西北四十里。

時水。

京相璠曰。在縣南界。西通濟。其上源出盤陽。北至高苑。下有乾時。

利。

晏謨齊地記曰。在濟城北五十里。

灌亭。

杜預曰。在縣東南。灌音古亂反。

北海國十八城。

漢北海相景君碑云。據北海相部城十九。而志止云十八城。案沈約州郡志曰。長廣縣。前漢屬琅邪。後

漢屬北海。今北海無是縣。當是志闕載也。

劇。

前志曰。劇魁。魯連子曰。胸劇之人辨者也。爾雅曰。道開七達。謂之劇。郭璞曰。今北海劇有此路。

斟城。

京相璠曰。故斟尋國。禹後。西北去翟亭九十里。斟之林反。前志作斟。音同。

寒亭。

杜預曰。在縣東。

浞。

仕角反。徐邈音在角反。

注。郢城。

郢。子斯反。亦作訾城也。

涇于。

應劭曰。縣東北六十里有平城亭。故縣也。

密鄉。

地理風俗記作密鄉亭。

朱虛。

十三州志曰。縣東三十里有祓亭。故縣也。

東安平。

徐廣曰。古紀之鄴邑。齊改爲安平。秦滅齊。改爲東安平。以定州有安平。故加東字。
高密。

縣有鄭康成冢及碑。是弟子河內趙商所撰。在雁阜上。

昌安侯國。安帝復。

延光元年復也。

夷安。

應劭曰。故萊夷維邑。

卽墨。

前志曰。有天寶山。晉志曰。有天山祠。

下密。

晉志曰。有三石祠。

拒。

案前志。膠東國有挺縣。沈約州郡志亦作挺云。前漢屬膠東。後漢屬北海。拒當作挺。小顏音徒鼎反。又

賈復傳作挺。胡音廷。

觀陽。

應劭曰。在觀水之陽。

注。百枝萊君桐。

晉志曰。百支萊王祠。又黃縣有萊山松來君祠。桐當作祠。

注。南有蹲犬。

音尊。

掖。

前志作夜。音亦。又音掖。

過鄉。

過音戈。寒泥之子澆所封國也。猗姓。

盧鄉。

劉寬碑陰作廬。

黔陬。

黔其廉反。陬側留反。韋昭音諏。

注計基城。

計基卽前志計斤縣。如淳曰。斤音基。

葛盧。

前志無。

不期。

洪适曰。前志不其屬瑯邪。注云。其音基。漢有不其令董君闕。作不期。誤也。三齊略記曰。不其城西南方。

有萬歲水。水北有萬歲亭。是漢武帝造。

齊國。

前志郡。

臨菑。

解道彪齊記曰。臨菑城南有天齊五泉並出。

渠邱。

鄭衆左傳注曰。渠邱。無知邑。

昌國。

酈元曰。德會水出縣之黃山。西北流逕城南。

古邾邑。

邾音蒲丁反。

廣。

呂忱字林曰。濁水出爲山。一名溷水。

般陽。

般音盤。

宛。

羅泌曰。武丁子封苑城爲苑侯。今南陽宛也。鄭樵曰。光武以南陽爲別都。謂之南都。

南就聚。

酈元曰。在涓水之南。

東武亭。

春秋之武城也。杜預曰。在縣北。

葉有長山曰方城。

前志及水經注。皆云葉有長城。號曰方城。晉志曰。有長城山。號曰方城。盛宏之荊州記曰。葉東略有故城。始驛縣東至灑水。達泚陽界。南北聯落數百里。號爲方城。一謂之長城。則長山當作長城也。又唐勒

奏土論曰。我是楚也。世霸南土。自越以至葉。垂宏萬里。故號曰萬城。案此則方城本萬城。轉作万字。遂譌爲方也。

卷城。

卷音權。又眷勉反。

新野。

說文曰。有舉亭。

注。故唐國。

春秋傳文十二年。楚子使告唐惠侯。杜預曰。唐屬楚之小國。義陽安昌縣有上唐鄉。

西鄂。

說文曰。有鄂亭。

魯陽。

本傳有陽泉鄉。盛宏之曰。其地重險。楚之北塞也。

魯山。

酈元曰。柏樹谿水出魯山峽谷中。東南流逕魯山西而南。今牛蘭水。

注。牛蘭山。

酈元曰牛蘭水所發也。

犇。

尺由反。

舞陰邑。

說文曰有鄒鄉。又云灤水出縣東八頓。

比陽。

比一作泚。難字。爾雅曰灤水在泚陽。

復陽。

闕駟曰胡陽縣之樂鄉也。元帝元延二年置。在桐柏大復山之陽。故曰復陽。

棘陽。

說文作棗陽。云有鄴鄉。

湖陽邑。

荊州記曰春秋蓼國樊重之邑也。竹書紀年曰楚共王會宋平公于湖陽。周地圖記曰光武所封外祖樊重邑。又光武姊爲湖陽公主。

隨。

世本曰。隨國。姬姓。釋例土地名曰。隨國在楚之東。

育陽邑。

本傳作消。山海經曰。攻離之山。消水出焉。南流注于漢。郭璞曰。在縣南。說文曰。縣有鄆鄉。

陰。

說文曰。有鄆鄉。

鄆。

音贊。蕭何國。太康地理志曰。魏武帝建安中。分南陽立南鄉鄆。

鄆。

杜預曰。在縣南沔水之北。

鄆。

郭璞音離。鄆誕生音歷。玉篇音郎的切。又音臚。

注。仰飲此水。

諸本譌作卽。

穰。

說文作鄆。云有鄆鄉。玉篇音如羊切。

注鉗盧。

李善引杜預表曰。所領部曲。皆居南鄉界所近鉗盧大陂。下有良田。

蔡陽。

有釜亭。見續漢書。

注。南都賦所稱。

南都賦曰。松子神陂。赤靈解角。

筑陽。

筑音竹。

順陽侯國故博山。

案前志。哀帝置。明帝復舊。

成都。

前志無。

襄鄉。

沈約曰。前漢無。後漢屬南陽。

南鄉。

沈約曰。前漢無。

注。商於之地。

水經注曰。丹水逕流兩縣之間。歷于中之北。所謂商於者也。

章密鄉。

前志及水經注皆作密陽鄉。云古商密之地。杜預曰。商密。都別邑。今南鄉丹水縣。章當作商也。

三戶亭。

竹書紀年曰。壬寅。孫何侵楚。入三戶郛。杜預曰。在縣北。

折。

漢碑作枿。

武關。

春秋之少習也。

南郡。

本傳。建初三年。徙封彭城靖王于此。改爲國。元和二年。復舊。

江陵。

說文曰。郢。楚都。在縣北十里。

秭歸。

袁山松郡國志曰。屈原有賢姊。聞原放逐亦來歸。喻令自寬全。鄉人冀其見從。因名曰姊歸。太康地志曰。有歸鄉。故夔子國。楚滅之。

中盧。

春秋傳曰。廬戢黎。杜預曰。今中盧縣。音力於反。又音盧。

注。五部兵。

五部溪之兵也。見水經注。又案廣漢有五城縣。漢時置五倉。發五縣民尉部主之。故號五部兵。見華陽國志。

注。那口城。

那乃多反。一作那。音奴甘反。

縣東南有權城。

諸本脫南字。依杜注增。

華容。

杜預曰。有章華宮。

雲夢澤在南。

夢音蒙。又亡貢反。

注。州國在縣東南。

諸本脫南字。依杜注增。

注。江夏安陸縣東南。亦有夢城。或曰。華容縣東南有巴邱湖。江南之夢也。

諸本舛錯。依杜注是正。

印。

前志及本傳皆作卽。說文曰。從邑已聲。周成雜字解詁音蹠。章懷音具紀反。

注。羅國。

世本曰。羅熊姓。

都。

沈約曰。都漢舊縣。屬南郡。作若。晉太康地志作都。案今兩漢志皆作都。沈所見本異也。晉志曰。故都子

國。

荆山。

春秋傳。子革曰。我先王熊繹。辟在荆山。杜預曰。在新城沔鄉縣南。

丹陽聚。

夷道。世本曰。楚鬻熊居丹陽。武王徙郢。宋忠曰。丹陽在南郡枝江縣。

水經注曰。劉備曰。宜都郡治在縣東四百步。習鑿齒曰。魏武平荊州。分南郡枝江以西爲臨江郡。建安十五年。劉先主改爲宜都。

虎牙山。

荊州圖副曰。石文黃白。有似虎牙。

限山。

前志作佷。州郡志作狠。

西陽。

晉書地道記曰。弦子國。

郢。

蘇林音盲。說文從邑黽聲。

注。冥阨之塞。徐廣云。卽此縣也。

史記音義曰。冥阨或言在郢縣箱山。冥一作黽也。

竟陵。

杜預曰。縣有曰水出聊屈山。西南入漢。

鄭鄉。

鄭本亦作滄。音云。

立章山。

案前志及晉志。立字衍。

沙羨。

晉灼音夷。晉志曰。有夏口。對沔口有津。

下雉。

前書。伍被謂淮南王曰。守下雉之城。絕豫章之口。

鄂。

九州記曰。今武昌也。

平春。

沈約曰。前漢無。說文曰。有菰亭蕘亭。

南新市。

前志無。棟案。中山有新市。故此加南。

泉陵。

晉志曰。有香茅。云古貢之以縮酒。

注。有雍水。

湘中記作灌水。

注。有表水。

當作來。

注。有來水。

當作米。

九疑山。

高誘曰。山在蒼梧馮乘縣東北。零陵之南。文穎曰。山半在蒼梧。半在零陵。

夫夷。

沈約曰。扶縣。漢舊縣。至晉曰夫夷。屬零陵。案兩漢志皆作夫夷。沈說未詳。

故屬長沙。

案前志。夫夷本屬零陵。長沙無是縣。此四字衍文。

湘鄉。

沈約曰前漢無。

昭陽。

前志無。

烝陽。

前志作承音烝。

郴。

十三州志曰日華水出縣華山西至湘南縣入湘。郴音緝。

注。一年三收。

收。何焯定作孰。

耒陽。

說文作邦從邑耒聲。

陰山。

沈約曰陽山漢舊縣後漢曰陰山案前志亦有陰山縣沈說非也。

含涯。

水經曰縣南有涯浦關說文曰涯水出桂陽盧聚山涯浦關爲桂水。

澧陽。

蘇林曰。澧音撐。拄之撐。音丈庚反。

曲江。

湘州記曰。有銀山。山多素霧。

孱陵。

應劭曰。孱音踐。說文曰。油水出縣西。東南入江。

注。其上名曰天門。

沈約曰。其高以弩仰射。不至其上。名天門。

鐔成。

淮南子曰。塞鐔成之嶺。高誘曰。縣西南接鬱林。說文曰。潭水出鐔成玉山。東入鬱林。

沅南。

酈元曰。縣在沅水之陰。因以爲名。馬援討臨鄉所築也。

作唐。

沈約曰。前漢無。酈元曰。後漢分孱陵縣置。

攸。

茶陵。前志注音收。史記王子侯表有攸輿侯則。司馬貞曰攸本名攸輿。

前志作茶。師古音文加反。

安城。

前志及州郡志皆作成。

鄴。

十三州志曰大別水南出耒陽縣太山北至鄴縣入湖。玉篇音郎丁反。

醴陵。

前志無。

壽春。注漢官曰刺史治。

顧野王輿地志曰先理歷陽後理壽春後又徙曲阿。

浚遼。

浚一作遼。

注唐后二山。

風俗通作唐居山。

成德。

水經曰。有廣陽鄉。其西肥水所出。

西曲陽。

前志無西。案下邳有曲陽。故加西。

鍾離。

世本曰。鍾離縣姓。司馬貞索隱引世本作終犂。晉志曰。故州來邑。

阜陵。

晉志曰。明帝時淪爲湖。

下蔡。

宋忠世本注曰。蔡平侯徙下蔡。

注。州來。

前志曰。下蔡。古州來國。杜預釋例土地名曰。州來。淮南下蔡縣汝水之南也。

秦鄆郡。

劉敞曰。秦分三十六郡。無鄆郡。棟案。劉說非也。西漢末會稽處士吳平字君高。撰越紐錄云。漢文帝前九年。會稽并故障郡。太守治故鄆。都尉治山陰。前十六年。太守治吳郡。都尉治錢唐。孝武元封二年。故

鄆以爲丹陽郡。案此則故鄆郡爲秦漢以來所置所疑。故裴駰注史記亦以鄆郡入三十六郡之數。晉志曰。秦始皇并天下。以置鄆會稽九江三郡。越紐錄卽今之越絕也。

宛陵。

說文曰。冷水出縣西北入江。晉志曰。彭澤聚在西南。

丹陽。

案晉志陽當作揚。

注。秦鄆郡所治。

秦亦當作故。說見前。

注。中平二年。

沈約歐陽恣皆云。中平二年。諸本脫二字。

於潛。

前志作贊。音潛。

黝。

一作黝。見說文。

石城。

吳都賦注曰。石都陽也。
注。建武十三年省六安國。

諸本脫三字。

桐鄉。

春秋傳。昭二年。桐叛楚。杜預曰。縣西南有桐鄉。

雩婁。

春秋傳。襄二十六年。楚侵吳及雩婁。晉書地道記曰。在安豐縣之西南。淮南子曰。決期思之水而灌雩

婁之野。高誘曰。今廬江縣。雩音于。韋昭音虛。婁如字。徐邈音力。俱反。如瀄音樓。

尋陽。

本傳有魯陽鄉。

南有九江。

尋陽記曰。烏江。蚌江。烏白江。嘉靡江。畎江。沔江。廩江。菌江。張須无緣江。圖曰。一曰三里江。二曰五州江。三曰嘉靡江。四曰烏土江。五曰白蚌江。六曰白鳥江。七曰菌江。八曰沙提江。九曰廩江。參差隨水長短。或百里。或五十里。始于鄂。終于江口。會于桑落洲。

潛。

前志作潛。古潛字。杜預曰。在六縣西南。風俗通曰。南方衡山一名霍廟。在潛縣。龍舒。

世本曰。偃姓。舒庸。舒蓼。舒鳩。舒龍。舒鮑。舒襲。皖。

羅泌曰。皖。伯爵。漢爲侯。

居巢。

淮南子曰。困夏南巢。高誘曰。今縣一作鄴。音巢。見項籍傳。晉灼音勦。絕之勦。

六安。

春秋傳。文五年。楚人滅六。杜預曰。皋陶後。世本曰。偃姓。

蓼。

世本曰。蓼偃姓。音了。或作鄴。音同。

安豐。

沈約曰。前漢無棟案。前志屬六安。沈失攷耳。

禹冢。

吳會分野記曰。禹年九十三崩。葬山陰臨江之邱。名曰富陵。

浙江。

說文曰。江水東至會稽山陰爲浙江。從水折聲。虞喜志林曰。今錢唐江口折。山正居江中。潮水投山下折而曲。一曰。江有反濤。水勢所歸。故云浙。晉灼音逝。韋昭音折。獄之折。司馬貞曰。莊子所謂濶河也。前志作漸口。

鄮。

說文。鄮從邑買聲。

烏傷。

本傳曰。有新陽鄉。

注。初平三年。分縣南鄉爲長山縣。

沈約州郡志曰。長山令。漢獻帝初平二年。分烏傷立。何承天改作常山郡。非也。諸暨。

韋昭曰。有句無亭。

注。越絕曰。興平二年。

越絕無此文。傳寫誤也。

餘暨。

太末。世本曰。吳孰哉始居蕃離。宋忠曰。孰哉。仲雍也。蕃離。今吳諸暨縣。

太當作大。孟康音闕。

上虞。

晉志曰。有仇亭。舜避丹朱於此地。

注。始寧縣。

水經注曰。始寧。本上虞之南鄉。順帝永建四年。陽羨周嘉上書。始分之。

郟。

張勃吳錄曰。縣有天姥岑。依前志當作剡。李善曰。剡。植琰切。

注。餘句之山。

依山海經當作句餘。

注。甬東。

賈逵曰。甬東。越東鄙。甬江東。

注。甬東縣東洲。

案今章昭注曰。縣東海口外縣也。

鄞。

玉篇音五斤切。

章安故治。

鄭宏傳作治。沈約案張勃吳錄云。閩越王冶鑄地。故曰安閩王治。此不應偏以受名。蓋句踐冶鑄之所。故謂之冶乎。治當作冶。前志亦譌爲治。

閩越地。

沈約引作閩中地。

注。晉元康記。

元當作太。

永寧。

沈約州郡志曰。順帝永建四年。分章安東甌鄉立。或云。順帝永和三年立。

東甌。

姚察曰。甄水名。永嘉記。水出永寧山。行三十餘里去郡城五里入江。昔有東甌王都城。有亭積石爲道。今猶在也。

東部侯國。

都尉治。案漢無東部侯。晉志曰。後漢改東治爲侯官都尉。侯國當作侯官也。又案謝承書。鄭宏理劇東部侯。則侯當作候。衍國字也。後漢劉洪爲東部都尉。任延爲西部都尉。西漢分東西部。東京止有東部。漢碑有東部都尉路君闕。衛尉衡方碑。嘗爲東部都尉。此其證也。

吳郡。

水經注曰。永建中。陽羨周嘉上書。以縣遠赴會至難。求得分置。遂以浙江西爲吳。以東爲會稽。李吉甫曰。永建四年。陽羨令周喜。山陰令殷重。上書求分爲二郡。會稽典錄朱育曰。永建四年。劉府君上書。浙江之北以爲吳。會稽置治山陰。

注。麋湖櫪谿城。

吳平越紐錄曰。麋湖。闔閭所置麋也。櫪谿城。闔閭所置船宮也。

注。石城闔閭置美山。

美山無攷。案越紐錄曰。石城。闔閭置美人山。脫人字也。

烏程。

有餘不溪。沈氏家傳曰。後漢沈戎居之。不音扶鳩反。

注。越絕曰。縣南城古淹君地。

諸本脫君字。

注。上湖中冢者季子冢也。

上湖中之冢爲季札冢也。越紐錄曰。上湖通上洲。

注。古名延陵墟。

諸本缺誤。依越紐錄是正。

注。橋李。

橋音醉。

注。永脩。

一作永循。水經注曰。中平二年立。脩水所經也。州郡志仍作永脩。

注。並中平中立。

諸本脫中字。案州郡志。又有漢平縣。亦中平中立。

新淦。

音紺。

傅易山。

易古陽字。

餘汗。

音干。

彭蠡澤。

張勃吳錄曰。今名洞庭湖。

柴桑。

山海經曰。柴桑之山。其上多銀。其下多碧。多冷石。郭璞曰。共廬山相連。晉志曰。有溢口關。

艾。

說文曰。艾水出縣西入湘。

石陽。

沈約曰。前漢無。酈元曰。和帝永元九年分廬陵立。

郡國五

漢中 巴郡 廣漢 蜀郡 犍爲 牂柯 越巂 益州 永昌 廣漢屬國 蜀郡屬國

犍爲屬國

右益州 春秋元命包曰。益之言隘也。謂物類並決。其氣急切。決。列也。

隴西 漢陽 武都 金城 安定 北地 武威 張掖 酒泉 敦煌 張掖屬國
張掖居延屬國

右涼州

上黨 太原 上郡 西河 五原 雲中 定襄 雁門 朔方

右并州

春秋元命包曰井之為言誠也精氣交井其氣勇抗誠信也

涿郡 廣陽 代郡 上谷 漁陽 右北平 遼西 遼東 玄菟 樂浪 遼東屬國

右幽州

南海 蒼梧 鬱林 合浦 交趾 九真 日南

右交州

漢中郡

沈約曰漢中秦立建安二十年魏武平張魯復漢寧郡為漢中疑是此前漢中曰漢寧也

南鄭

水經注曰耆舊傳云南鄭之號始于鄭桓公死于犬戎其民南奔故以南為稱

注旱山

水經注曰涪水出旱山注云即黃水也

媯墟

世本曰舜居媯汭注云在西城縣說文曰有甸鄉

注唐公防祠。

華陽國志曰。山名扶木。有唐公房祠。漢碑亦作房。殺阬碑陰作防。婁壽曰。隸法房字。其戶皆在側。或作防及防者。皆誤也。案月賦云。徘徊房露。李善曰。房露。古曲也。房與防。古字通。

上庸。

春秋傳曰。廬戢黎侵庸及庸方城。杜預曰。縣東有方城亭。

房陵。注。巴漢志曰。建安十三年。別置新城郡。

置諸本皆譌爲蜀。或作屬亦通。縣爲新城郡治也。

注。初平六年。趙穎分巴爲二郡。

華陽國志曰。初平元年。征東中郎將安漢趙穎建議。分巴爲二郡。沈約案。譙周巴記。又作趙隄。棟案。初

平無六年。常氏所載是也。

注。劉綽。

綽當作璋。

戶三十一萬六千九百九十一。口百八萬六千四百四十九。

華陽國志曰。永興二年。巴郡太守但望上疏曰。謹案巴郡圖經。境界南北四千。東西五千。周萬餘里。屬縣十四。鹽鐵五官各有丞史。戶四十六萬四千七百八十。口百八十七萬五千五百三十五。蓋桓帝時

戶口增于中興所載也。

宕渠。

說文曰：瀟水出縣西南入江。華陽國志曰：有石蜜山。圖所採也。長老言縣故寶國。今有寶城盧城。胸忍。

常璩曰：在巴東郡西二百九十里。說文作胸臆。云地下多此蟲。因以爲名。胸又作胸。音蠢。小顏音劬。注山有大小石城勢者。

勢者二字衍。

扞關。

本傳李熊說述曰：東守巴郡。距扞關之口。章懷以爲在硤州巴山縣。詳見公孫述傳。

臨江。

華陽國志曰：枳東四百里接胸忍。三巴記曰：初平六年屬永寧郡。建安中改永寧爲巴東。臨江仍舊焉。枳。

華陽國志曰：郡東四百里治涪陵水會。

注漢時赤田軍常取其民。

何焯曰：赤田未詳。棟案：華陽國志曰：縣人多戇勇。多獯蠶之民。漢時赤甲軍常取其民。則赤田當作赤。

甲言漢時赤甲軍常取此縣人以其黷勇也。

墊江。

沈約曰。獻帝建安六年度巴西。劉禪建興十五年復舊。華陽國志曰。縣有桑蠶牛馬墊。依說文當作𦉳。从衣執聲。

充國。永元二年分閬中置。

沈約曰。地理志。巴郡有充國縣。續漢書又云。和帝二志不同。

漢昌。

何承天志作漢豐。案華陽國志。別有漢豐縣。屬巴東。建安二十年置漢昌。屬宕渠郡也。

廣漢郡。

華陽國志曰。王莽改曰就都。公孫述名曰子同。

雒州。

華陽國志曰。郡本治繩鄉。安帝永和中。陰平漢中羌反。元初二年移。後治雒城。何焯曰。州字衍。

注水通巴漢。

案華陽國志云。水通于巴。衍漢字。

什邡。

廣漢。說文曰：邠，從邑方聲。華陽國志曰：山出好茶。

德陽。說文曰：有鄴聚。

沈約曰：前漢無。

蜀郡。

華陽國志曰：去雒三千一百二十里。

郫。

華陽國志曰：郡西北六十里。玉篇音薄靡切。又音脾。

江原。

去郡一百二十里。有青城山。

繁。

郡北九十里。有泉水稻田。

廣都。

在郡西三十里。有鹽井漁田之饒。

臨邛

郡西南二百里。本有邛民。秦始皇徙上郡實之。有布濮水。從布濮來合。以上皆見華陽國志。岷山在西徼外。

盛宏之荊州記曰。江出岷山。其源若甕口。可以濫觴。在益州建寧漏江縣。潛行地底數里。出楚都遂廣

八陵

前志無。案前志有蠶陵縣。晉志曰。靈帝以汶江蠶陵廣柔三縣置汶山郡。八陵當作蠶陵。犍爲郡。

犍亦作犍。見楊統碑。

注。劉璋分立江陽郡。

建安十八年分立也。

武陽

華陽國志曰。有朱遵祠山出鐵。前志有鐵官也。

牛鞞

華陽國志曰。去郡三百里。孟康音鞞。

南安。

華陽國志曰。郡東四百里。

注五岷山一山而五里。

今蜀都賦注曰。一山有五重。在縣南也。揚雄蜀都賦曰。五岷參差。

注峩峩山。

華陽國志曰。山有仙藥。見孔子地圖。

熒道。

郭義恭廣志曰。縣出臙骨黃魚。高誘呂覽注曰。熒讀如匍匐之匐。

注玉岳蘭。

水經注曰。縣有蜀王兵蘭。蘭與闌。古字通。今華陽國志作兵欄也。

注有方山蘭祀。

諸本脫山字。

荷節。

前志無。何氏曰。當是符節也。

南廣。

華陽國志曰。自棘道至朱提。有水步道。水道有黑水及羊官水。又有牛叩頭馬搏坂。漢安。

華陽國志曰。郡東五百里。有鹽井魚池以百數。沈約曰。前漢無。故且蘭。

常璩音沮。云有柱蒲關。

平夷

華陽國志曰。有硃津安樂水。山出茶蜜。

警

玉篇音俾逝反。

毋斂

華陽國志曰。有剛火。

夜郎。

華陽國志曰。有遯水。通廣鬱林。

同竝

應劭音伴。

淡豪。

華陽國志曰。有濮獠。

漏江

華陽國志曰。縣九十里出蟻口。

句町

華陽國志曰。故句町王國名也。其置自濮王姓母。漢時受封。迄今。小顏音劬挺。

進乘

前志及水經皆作進桑。

越巂

孟康音髓。

注華陽國志曰。河有嶧雋山。

今志無之。當有脫誤。或云山字屬下句。

又有溫水。

一作泉。

穴冬夏常熱。

華陽國志曰。其溫可湯雞豚。下流治疾病。

靈關道。

劉逵曰。靈關山名。惠學士曰。一名靈道縣。

臺登

何氏曰。前志臺登。應劭曰。今日臺高。登當作高也。

注。山有磬。火燒成鐵。

今華陽國志曰。山有磬石。火燒成鐵。剛利。禹貢厥賦。磬是也。

卑水

孟康音班。華陽國志曰。去郡三百里。

三縫

前志。縫作絳。常璩音播。

注。度瀘得蛤縣。

今華陽國志云。蜻蛤縣。

注。故濮人邑也。

劉伯莊曰。濮在楚南。爾雅曰。南至濮鈇。周書王會篇云。卜人丹砂。孔晁云。西夷之蠻。蓋濮人也。

元馬河。

華陽國志及水經注皆作天馬河。案隸書天字有似元者。故誤作元。見無極山碑。今其有天馬逕。

其字衍。

今在祠以羊。

一作今以羊祠之。案下又云河中見存。文不應重出。當有舛誤。

河中見子。

子字誤。今華陽國志作存也。

土地特產好羣牛。

今華陽國志云土地特產犀牛也。

定菴。

常璩曰菴。笮夷也。汶山曰夷。南中曰昆明。漢嘉越。舊曰笮。蜀曰邛。皆夷種也。說文曰菴從艸作聲。

闡。

沈約曰闡。漢舊縣。屬越巂。前志作闡。惟華陽國志作闡。未詳。

蘇示。

示當作示與祇同。

大祗。

常璩曰漢末省。

滇池有池澤。

譙周異物志曰大澤水周二百餘里水乍深廣乍淺狹似如倒流故俗云滇池。

注淮有蝟。

華陽國志曰山無石惟有蝟淮當作惟。

勝休。

沈約作騰休晉志作滕。

裝山。

前志作懷山。

石室山。

前志及華陽國志皆作石空山云在縣西。

盤町山。

盤音呼鷄反一作缺町北宋本作呵前志及華陽國志皆云在縣東南。

賁古。

賁音奔。

毋掇。

小顏按掇字從木。作掇者非。

建伶。

應劭音鈴。

穀昌。

華陽國志曰。漢武帝將軍郭昌討夷。平之。因名郭昌。以威夷。孝章時改爲穀。棟案。前志已作穀昌。常氏之說。非實錄也。

牧靡。

前志作收。李奇曰。靡音麻。華陽國志作升麻縣。云山出好升麻。晉書作牧麻。棟案。靡與麻。古字通。山海經有壽麻之國。呂氏春秋作壽靡。是也。

味。

酈元曰。故淇國都也。華陽國志曰。有明月社。孟康音昧。何焯案。味字從未。不從未。連然。

華陽國志曰。有鹽泉。南中共仰之。

楸棟。

前志作弄。玉篇云。楸。木名。力棟切。

永昌郡。注。明帝永平二年分益州置。

案西南夷傳及華陽國志。皆云永平十二年。志脫十字。又云。割益州西部都尉所領六縣合爲永昌郡也。

雒陽西七千二百六十里。

華陽國志曰。去雒六千九百里。西南夷傳曰。西夷去雒陽七千里。

永昌一郡。見龍之耀。

何焯曰。見龍之語未詳。棟案。此哀牢夷沙壺事。明帝置永昌郡。以哀牢屬焉。故云見龍之耀。事詳西南夷傳及華陽國志。

不韋。注云。

何焯云。不韋之說。恐亦附會。棟案。此事亦見孫盛蜀世譜。蓋當時相傳。有是語也。

注。鎮尉哀牢人。櫟榆蠻夷。

鎮尉猶鎮撫也。時哀牢初內附。故設都尉鎮撫之。

標榆。

沈約曰。前漢標作葉。酈元曰。縣東有葉榆澤。葉榆水所鍾。華陽國志曰。有河洲。注。有同水。

華陽國志作周水。

廣漢屬國都尉。

酈元曰。安帝永初三年。分廣漢蠻夷置。

陰平道。

晉太康地志曰。陰平郡。陰平縣。注云。宙底。沈約曰。當是故宙底爲陰平。永初郡國志。胄旨縣。卽胄底也。甸。

李奇音賸。

氏道。

漢嘉故青衣。陽嘉二年改。

水經注曰。公孫述之有蜀也。青衣不服。世祖嘉之。建武十九年以爲郡。安帝置屬國都尉。青衣王子心慕漢制。上求內附。順帝改曰漢嘉。得此良臣也。

注有洙水。

今華陽國志作沫水音妹又音末也。

嚴道。

蜀記曰秦滅楚徙嚴王之族于此故謂之嚴道。

有邛熨九折坂者邛刻置。

邛刻置未詳案司馬相如傳曰嚴道邛郵徐廣曰嚴道有邛熨九折坂又有郵置刻當作郵也。

注王陽行部。

諸本皆作步依華陽國志改。

徙。

小顏音斯沈約作樵字者非。

注堂狼山。

華陽國志作堂娘云山出銀鉛白銅雜藥有堂娘附子。

漢陽。

沈約曰前漢屬犍爲後漢無沈攸攸也華陽國志曰有漢水延江。

安故。

十三州志曰郡南四十七里酈元曰蓋延轉擊狄道安故五谿及羌大破之卽此是也。

氏道養水出此

水經曰。出縣之嶓冢山。孔安國曰。泉始出爲漾水。東南流爲沔水。至漢中東行爲漢水。李殿學曰。養卽漾也。

烏鼠同穴山。

河圖曰。烏鼠同穴。地之幹也。上爲掩畢星。

渭水出。

說文曰。杜林說。渭水出首陽渭首亭。東南入河。

枹罕。

闕駟曰。郡西二百一十里。鄧展曰。枹音鈇。罕一作罕。小顏讀如本字。

白石。

闕駟曰。狄道西北二百八十五里。漢書音文曰。有皋蘭山。

鄣。

前志無。

積石山。

郭璞曰。水經引山海經云。積石山在鄧林東。河所入也。

雒門聚。

本傳皆作落門縣。有落門山。故名。

恆。

前志作垣。

略陽。

前志略陽道。

隴州。

州字衍。或曰當作西。

有大坂。

說文曰隴。天水大坂也。從鼻龍聲。

名隴坻。

說文曰巴蜀名。山岸脅之。劦。箸欲落墮者曰氏。氏崩聲。聞數百里。揚雄賦。響若氏隕。又曰。秦謂陵阪曰

隄。亦作坻也。

獠道。

小顏音完。

顯親。

寶固所封也。前漢無。

有嶓。

郭璞音波。

冢山西漢水。

山海經曰。嶓冢之山。漢水出焉。而東南流注于沔。漢中記曰。嶓冢以東。水皆東流。嶓冢以西。水皆西流。注。西在隴西之西。

諸本脫之字。

今謂之八充山。

八充山一作兌山。見裴駟史記注。北宋本作人充山。誤。

下辨。

洪适曰。李翁碑題名。有下辨道長任詩。則志闕一道字。棟案。前志本有道字。劉昫曰。辨音步苞反。

注。有赤亭。

虞詡傳。既到武都郡。悉衆萬餘攻赤亭。是也。

注。大池澤。

前志安華陽國志皆作天池。北宋本亦作天。
注有奴特。

史記注及魏文帝列異傳皆作怒特。

注泉街水。

常璩曰水入沮合漢也。

沔水出東狼谷。

前志云沮水華陽國志云河池水。

羌道。

前志屬隴西。

允吾。

應劭音鉛牙。

令居。

令音零。姚氏音連。護羌校尉所治。見漢官儀。

榆中。

水經注曰昔蒙恬爲秦北逐戎人開榆中之地。阮嗣宗所謂榆中以南者也。崔浩曰蒙恬樹榆以爲塞。

安夷也。

水經注曰。城有東西門。去西平亭東七十里。闕駟曰。四十里。允街。

孟康曰。允音鉛。

高平。

水經注曰。有若水谷。

朝那。

武都丞呂周十二人題名作部。

注。丹頭山。

依前志及山海經。皆作丹頭。傳寫誤作丹也。

烏枝。

史記漢書作烏氏。音枝。本傳亦作氏。作枝者非也。

有瓦亭山。

一作出誤。

薄落谷。

淮南子曰：涇出薄落之山。高誘曰：一名并頭山。在臨涇西。棟案：廣雅曰：薄落謂之并頭。并頭卽并頭也。曹憲音牽。隗囂傳作雞頭。

注。有左谷。

盧芳傳注引續漢志曰：三水有左右谷。

陰盤。

前志及本傳皆作槃。

鶉觚。

前志作孤案。周地圖記云：鶉觚縣者。秦使太子扶蘇及蒙恬築長城。見此原高水淺。因欲築城。遂以觚爵奠祭。乃有鶉鳥飛升觚上。以爲靈異。因以名縣。

北地。

顧野王輿地志：漢末北地但有富平泥陽二縣。魏晉亦然。

注。有青山。

續漢書曰：安定屬國人本屬國降胡也。居參繚青山中。其豪帥號肥頭少卿。光武本紀：建武二十一年夏四月。安定屬國胡叛。屯聚青山。是也。

姑臧。

西河舊事曰。昔匈奴欲蓋藏城也。後人音譌名姑藏。案此則臧音藏也。

武威。

酈元曰。在姑臧城北三百里。

樸剗。

孟康音蒲環。

媼園。

媼。孟康音烏老反。玉篇又音烏骨切。

鷓陰。

鷓。前志作鷓。

租厲。

前書武紀及志皆作祖厲。李斐曰。音嗟賴。案司農夫人碑。祖字作祖。今誤租。

左騎千人官。

前志無。

躒得。

黠。孟康音鹿。得一作惠。見廣韻。

刪丹。

杜佑曰。有焉支山。

弱水出。

淮南子曰。弱水出窮石。高誘曰。在張掖北塞水也。

日勒。

日。前志作曰。

驪軒。

說文曰。軒從革干聲。李奇音遲虔。說文又云。麗軒屬武威。誤也。

番和。

番如淳音盤。

福祿。

前志作祿福。案曹全碑云。拜酒泉祿福長。晉書志亦作福祿。誤也。

表氏。

前志作是古字通。

樂涓

說文曰涓灑也從水官聲

沙頭

前志作池頭晉志仍作沙

緩彌

前志作綏彌

延壽

前志無

敦煌郡

敦應劭音屯

古瓜州

春秋傳有陸渾之戎

拼泉

前志作淵泉

龍勒

杜佑曰縣有菖蒲海一名鹽澤廣袤三百里。

注別領五城。

何焯曰案止四城未詳。

候官。

前志曰敦煌縣中部都尉治步廣候官。

注別領一郡。

何焯曰郡當作城。

居延有居延澤古流沙。

郭文恭廣志曰流沙在玉門關外有居延澤居延城高誘呂覽注曰流沙在敦煌西八百里太康地記曰流沙形如月初生五六日。

長子。

羅泌曰紂太史辛甲國紀年之尙子也案竹書紀年曰梁惠成王十二年鄭取屯留尙子是也長丁丈反或如字。

注章水。

章當作漳。

屯留。

春秋傳襄十八年。晉人執孫蒯于純留。純音屯。徒溫反。絳水出。

桑欽曰。絳水逕縣西南東入漳。

注濁漳所出。

淮南子曰。濁漳出發包。高誘曰。一名鹿苦山。案鹿苦疑卽鹿谷也。

注。晉別宮墟關猶存。

諸本脫存字。

涅。

前志云涅氏。

闕與聚。

袁山松曰。闕與今梁榆城是也。盧湛征艱賦曰。訪梁榆之虛障。弔闕與之舊平。闕音曷。又音媯。與音余。又音預。

壺關。

上黨記曰。馮亭家在城西五里。

注。戡黎。

尙書大傳作者。鄒誕生史記作鷲。說文云。從邑勑聲。勑。古文利。

今名平罕。

諸本作無罕。注。罕卽古皐字。

注。上黨記曰。白城在郡南山中。

北宋本無白字。案水經注引上黨記曰。長平城在郡之南山中。白字後人妄加也。

高都。

高誘曰。韓邑。

注。天井關。

蔡邕曰。太行山上有天井關。在井北。遂因名焉。

注。上黨記曰。潞濁漳也。

關駟曰。冀州浸。

猗氏。

前志作隋。水經作猗。案說文云。猗。上黨猗氏阪也。從邑奇聲。

穀遠。注。上黨記曰。有羊頭山。

案水經在太原茲氏縣西。

泌水所出。

泌當作沁。酈元曰：水出羊頭山世麗谷。

晉陽本唐國。

張晏曰：堯爲唐侯，國于中山。唐縣則唐是中山縣，名旣爲天子，乃治于晉陽。釋例曰：晉大鹵大原大夏參虛六名，又云唐大原晉陽縣也。

有龍山，晉水所出。

淮南子曰：晉出龍山。高誘曰：在晉陽之西北。晉水所出，東入汾。

注：梗陽。

梗，音古杏反。

界休有界山，有緜上聚。

袁山松郡國志：縣有介山，有緜上聚，有子推廟。水經曰：有冠爵津。

榆次注：左傳謂塗水。

春秋傳：昭二十八年，封徐吾爲塗水大夫。杜預曰：榆次也。前志作涂。又左傳云：石言于晉，魏榆服虔曰：魏晉邑榆州里名也。酈元以爲卽縣之榆次。

鑿壺。

史記作鑿臺。水經注曰：縣南側水有鑿臺，皆作臺也。戰國策亦作鑿臺。高誘曰：晉陽下臺名。鑿地作渠，以灌晉陽城，因聚土爲臺而止其上，故曰鑿臺也。

鄔。

說文曰：從邑烏聲。字林音乙祛反。郭璞三倉解詁音於庶反。闕駟音厭飫之飫。

注：韓信破夏說於鄔東。

諸本脫東字。

注：徐廣曰音於庶反。

今史記注：徐廣音烏古反。

孟。

前志作孟。案劉茂傳亦從孟。

陽曲。

晉地道記曰：黃河千里一曲，此當其陽，故曰陽曲。十道志曰：後漢末于此置九原縣。

祁。

呂忱字林音上尸反，又巨支反。

慮廐。

小顏音廐夷。

白土。

史記韓王信與其將白土人曼邱臣王黃等立趙苗裔趙利爲王。

離石。

水經注曰司馬彪曰呂梁在縣西。

美稷。

水經注曰。湍水出縣東。羌人因水以氏之。冲帝時。羌湍狐奴歸化。蓋其渠帥也。

中陽。

說文曰。馮水出縣北河南入河。

益蘭。

前志作闌。

圓陰。

司馬貞曰。前志作圓。續漢志及太康地志並作圓。漢平定鉦銘曰。平周金銅鉦重十六斤八兩。背文云。平定五年受圓陰。薛尚功曰。此鉦先藏平周。後歸圓陰。復以授平定。故再刻銘耳。所謂五年者。當是景

帝以前未有年號時也。顏師古曰：園字本作園。縣在園水之陰。因以爲名。王莽改爲方陰。則是當時已誤爲園字。其說出於酈道元注水經。今案茲器。當時所刻。乃爲園字。然則師古何所依據。遂以爲園乎。亦臆說也。案劉寬碑陰亦作園。續漢志不應作園。司馬所據本非也。棟案顏酈之說皆本章昭三倉。仍作園也。

九原。

烏桓傳有高渠谷。

父國。

父。前志作文。

河除。

前志作陰。

宜梁。

闕駟曰：郡西南六十里。

曼柏。

漢官儀曰：永平八年。初置度遼將軍屯此。曼音萬。

箕陵。

何焯曰前志有楨陵無箕陵。

成樂。

魏土地記曰雲中城東八十里有成樂城。今雲中郡治。

武成。

前志作城。

中陵故屬雁門。

十三州志曰善無縣南七十五里有中陵城。世祖建武二十五年置。

陰館。

沈約曰前漢作觀。後漢作館。今案前書亦作館。未詳。

注。句注。

伏儼音俱。包愷音鉤。服虔音拘。案呂覽九塞之一也。

武州。

崔浩曰平城直西百里有武州城。州一作周。魏土地記曰平城宮西三十里。武周塞口。

汪陶。

前志作汪。音汪。

劇陽。

十三州志曰。陰館縣東北一百三里。

平城注。前書高帝被圍白登。

孫暢之述畫曰。漢高祖被圍七日。陳平使能畫作美女。送與冒頓。闕氏恐冒頓勝漢。其寵必衰。說冒頓解圍也。姚察案北疆記。桑乾河北有白登山。冒頓圍漢高之所。今猶有壘壁。

注。庫沱之水。

案本志。庫沱河在安平信都。

今呼沱河出縣武夫山。

諸本脫出字。

夏屋山。

前志作賈屋。呂覽作夏屋。賈夏音相近。未詳孰是也。

原平。

世本曰。成季徙原。宋忠曰。今原平縣。

三封。

十三州志曰。臨戎縣西一百三十里。

大城。

前志作成。

注。置一縣領其民。合以爲新興郡。

十三州志曰。漢末大亂。匈奴擾邊。自定襄以西。盡雲中。雁門之間。遂空。建安中。丞相曹公集荒郡之戶。以爲縣。聚之九原界。以立新興郡。領九原等縣。屬并州。

涿。

應劭曰。縣東五十里有陽鄉亭。後分爲縣。

故安易水出。

水經曰。出縣之閭鄉西山。

雹水出。

酈元曰。世祖令耿況擊故安西山賊吳耐。蠡符雹上十餘營。皆破之。卽是水也。

北新城。

沈約曰。前漢屬中山。案前志作成。地理風俗記曰。縣東二十里有樊輿亭。故縣也。

方城。

王肅曰。有韓侯城。

有臨鄉。

地理風俗記曰。縣南十里。又縣東十里。有蓋昌城。故縣也。

有督亭。

孫暢之述畫。有督亢地圖。言燕太子丹使荊軻齎入秦。秦王殺軻。圖亦絕滅。李彤地理書載上古聖賢冢地記曰。督亢地在涿郡。

注。永光八年復。

諸本皆作永平。誤。又州郡志作永元。亦非。

薊。

括地志曰。元英磨室二宮。皆燕宮。在縣西四里寧臺之下。杜佑曰。燕國都碣石宮。魏土地記曰。縣東十里。有高梁水。薊說文作鄴。讀若薊。

廣陽。

謝承後漢書曰。世祖與銚期出薊。至廣陽。欲南行。卽此城也。

昌平。

魏土地記曰。薊城東北一百四十里。城西有昌平河。

軍都。

續漢書曰。尙書盧植隱上谷軍都山。

桑乾。

魏土地記曰。代城北九十里有桑乾城。西渡桑乾水。

道人。

十三州志曰。在高柳東北八十里。地理風俗記曰。初築此城。有仙人遊其地。因以爲名。又曰。城北五十里有參合鄉。故縣也。

當城。

應劭曰。城西北四十里有且如城。又西北有延陵鄉。皆故縣。

馬城。

十三州志曰。在高柳東二百四十里。

班氏。

十三州志曰。在郡西南百里北。俗謂之去留城。

狝氏。

十三州志曰。在高柳南百三十里。俗謂之苦力干城。孟康音權。精說文曰。氏讀又若銀。

北平邑。

十三州志曰。在高柳南八十里。俗謂之醜寅城。案前志作平邑。後漢加北東安陽。

應劭風俗記曰。五原有西安陽。故此加東平舒。

魏土地記曰。在代城西九十里。酈元曰。祁夷水出焉。卽周禮嘔夷之川也。代。

魏土地記曰。城南四十里有飛狐關。注。干寶搜神記云云。

案水經注。說本盧子幹也。

注。東城。

應劭曰。城徙西南去。故代五十里。故名代曰東城。

上谷郡。

晉書地道記曰。郡在谷之頭。故因以上谷名焉。

沮陽。

孟康音俎。魏土地記曰。城東八十里。有牧牛山。下有九十九泉。東北六十里。有大翻山小翻山。

潘。

甯，
魏土地記曰。在下洛城西南四十里。城西北三里有歷山。山上有虞舜廟。

魏土地記曰。在廣甯西二十里。應劭漢官儀曰。永平八年初置烏桓校尉屯此。何焯定作寧。棟案。後漢自作甯。改之無據。

廣甯。

魏土地記曰。在下洛西北百三十里。

居庸。

高誘曰。居庸在沮陽之東。通運都關。九塞之一也。酈元曰。居庸關在沮陽城東南六十里。

孟康音句無。

涿鹿。

魏土地記曰。在下洛城東南六十里。

注。蚩尤城。

魏氏土地記曰。在城東南六里。

注。在鼓城南。

前書刑法志曰。黃帝有涿鹿之戰。鄭德曰。在彭城南。小顏曰。彭城者。上谷別有彭城。非宋之彭城也。鼓當作彭。

注。張宴。

當作晏。字子博。中山人。

注。干瓚。

漢書注有臣瓚。莫知姓氏。酈元謂之薛瓚。或謂之傅瓚。劉孝標姚察皆曰干瓚。未詳孰是。

下洛。

魏土地記曰。城西南九十里。有協陽關。

潞。

魏氏土地記曰。城西三十里有潞河。

安樂。

酈元曰。有丁原山。

儼奚。

儼。前志作庠。音題。孟康曰。字或作儼。

上垠。

上誤。當依前志作土。

徐無。

遯甲開山圖曰。徐無山出不灰之木。生火之石。魏土地記曰。在右北平城東一百一十里。

俊靡。

依說文當作浚。

無終。

魏氏土地記曰。右北平西北百三十里。

陽樂。

應劭風俗記曰。故燕也。魏土地記曰。在海陽城西南。秦始皇二十二年置。

海陽。

魏氏土地記曰。令支城南六十里。

令支。

酈元曰。秦始皇二十二年。分燕置遼西郡。令支隸焉。應劭曰。令音鈴。亦作離支。令離聲相近也。

孤竹城。

爾雅作觚竹。四荒之一也。齊語曰：北伐山戎，剗令支，斬孤竹。括地志曰：孤竹，殷諸侯肥如。

高帝六年封蔡寅爲侯國。邕十四世祖也。

注：碣石之山編水出焉。

編一作繩。案碣石在壘縣。後漢罷屬臨渝。文穎云：襄平。

水經曰：大遼水出塞外白平山，東南入塞，過縣西候城。

何焯曰：案下候城旣屬玄菟郡，不當仍列于此。

西安平。

何焯曰：涿郡有安平，故此加西。崑縣復加東。

汶。

前志作文。

注：山海經曰：遼水出白平東。郭璞曰：出塞外銜白平山。

案今山海經云：遼水出衛臯東。衛臯山名，轉寫旣久，因析臯爲白平，復誤衛爲銜，遂令此字義無所附。

桑欽水經亦作白平。

西蓋鳥。

鳥。前志作馬。案東夷傳當作馬。

朝鮮。

山海經曰。在列陽東海北山南。

誦。

說文作誦。

湏水。

水經及前志皆作湏。十三州志曰。在樂浪東北。湏音芻沛反。

占蟬。

前志作黏。

遂城。

前志作成。晉志曰。秦築長城之所起。

列口。

張晏曰。朝鮮有濕水洌水汕水三水。合爲洌水。疑樂浪朝鮮取名于此。方言曰。朝鮮洌水之間。蘇林曰。

度海先得洌口縣。

鑊方。

許慎曰。涓水出縣東入海。一云出涓水縣。十三州志曰。縣在郡東。

樂都。

前志無。

昌遼。故天遼屬遼西。

前志遼西無天遼縣。案闕駟十三州志曰。遼東屬國都尉治昌黎道。又案前志。遼西郡有交黎縣。應劭曰。今昌黎。然則昌遼當作昌黎。天遼當作交黎。近時崑山顧君炎武撰日知錄。于昌黎一條下。紛紛辨論。曾未覺悟交黎之卽昌黎也。又案通鑑注曰。昌黎。漢交黎縣。屬遼西。後漢屬遼東屬國都尉。則知胡氏所見之本。尙未舛謬也。晉志曰。昌黎。漢屬遼東屬國都尉。

賓徒。

前志作徒。晉志仍作徒。

無慮。

顧炎武曰。案遼有無慮縣。此不應重出。棟案。此扶黎也。後人傳寫誤耳。鮮卑傳曰。鮮卑復攻扶黎營。注曰。扶黎縣屬遼東屬國。故城在今營州東南。今兩漢志無扶黎縣。而遼東不應有兩無慮。必扶黎之誤。

也。又案鮮卑傳曰：鮮卑寇遼東屬國，烏桓校尉耿舉移屯遼東無慮城，拒之。明屬國扶黎不作無慮也。險瀆。

徐廣曰：昌黎有險瀆縣。臣瓚曰：隨城在樂浪郡浪水之東。番禺。

張勃吳錄曰：縣有禺山，尉佗所葬。

博羅。

沈約曰：博羅，二漢皆作傅字。晉太康地志作博。案此則班馬志書皆作傅羅。後人誤爲博也。注：自會稽浮往博羅山。

何焯曰：羅字衍。

揭陽。

周書王會曰：海陽大蟹。羅泌曰：漢揭陽縣。

增城。

沈約曰：前漢無。

鬱林。

廣州記曰：建安二十三年，吳分鬱林立寧浦郡。

布山。

吳錄地理志曰。縣多虺。其毒殺人。有冷石可以解之。石色赤黑味苦。屑此石著創。

廣鬱。水經曰。溫水東至縣爲鬱水。

中溜。

前志作留。音力救反。

定周。

酈元曰。牂柯無斂水。東注于存水。存水又東逕縣爲周水。

增食。

酈元曰。有文象。

領方。

沈約曰。吳改曰臨浦。

注。建安二十五年。

五一作三。

臨元。

前志及州郡志皆作允。

朱崖。

前志作朱盧。

交阯郡。

楊孚異物志曰：交阯有橘，官長一人，秩三百石，主歲貢御橘。沈約曰：建安八年，改爲交州，治蒼梧廣信縣。十六年，徙治南海番禺縣。

羸陟。

沈約曰：羸，力知反。小顏曰：二字並音來口反。

定安。

前志作安定。林邑記曰：外越安定。紀粟望都。州郡志仍作定安。

苟漏。

州郡志作句。

麓冷。

麓，說文作麓，從米尼聲。小顏音麋零。

曲陽。

前志及州郡志皆作易古陽字。

咸權。

前志作驩。古歡字。

無功。

前志作無切。馬援傳仍作功。

日南郡。

論衡曰。日南之郡。去雒且萬里。徙民還者問之。言日中之時。所居之地。未能在日南也。度之復南萬里。方在日之南。是則去雒陽二萬里。乃爲日南也。

西卷。

前志作捲。

朱吾。

晉書地道記曰。去郡二百里。

盧容。

康泰扶南記曰。從日南發往扶南諸國。常從盧容浦口出也。

比景。

闕駟曰。比讀蔭庇之庇。影在己下。言爲身所庇也。

明帝置郡一。

永昌。

章帝置郡國二。

晉志曰。任城吳郡。何焯曰。順帝分會稽置吳郡。此云章帝。未詳。

和帝置三。

濟北廣陽。

凡郡國百五。

晉書志曰。省前漢八。分置五。改舊名七。因舊九十六。少前漢二。凡郡國百有八也。棟案。前漢郡國一百

一十一也。

注帝王世紀。永嘉二年。

何焯曰。永嘉無二年。當作元。

古今注。光武中元二年。

諸本脫古今注三字。

明帝永平十八年。戶五百八十六萬五百七十三。

三·近本皆作二·